

冠帶催賦奉約不相得傾仍責安紹慶等獻阿倫購罪其為

撒印責奢隴高獻出

成山伯王允忠領南右軍都督府

庚子戶部郎中戴紹科進礦沙銀自後進者踵至

英國公張元功卒

辛丑遼東副總兵祖承訓成都勾衛

壬寅虜犯遼東鎮遠堡官軍追斬一百九級

甲辰兵部報九月朔閔白受封九日冊使回至南戈崖

山東沂州諸生李廷元上本草綱目

丙午

土舍木青賂雲南左布政使楊芳卻之事聞命

紀錄

丁工停助工超選例尋停

成山伯王允忠提督操江管巡江

己酉鬪平虜衛屯租

辛亥命嚴訊楚府寄賞


乙卯毛國器嗣伏羗伯

十二月丙寅套虜卜失兔切盡夷婦等悔禍求款諭兵部須定
約束俟一年毋犯而許之

國權

萬曆二十四年

二五



總督薊遼孫鏞奏閔白因朝鮮不遣王子致謝議入犯宜脩
章下兵部

壬申命太監曹金採孝豐諸醫等礦太監趙鑒採陝西之安
等礦

予故工部尚書雷禮祭葬

甲戌楚王奏寄貨之妄 上悟停遣官

乙亥太子太保禮部尚書兼文淵閣大學士陳于陞卒字

四川南充人隆慶戊辰進士授編修庚辰進洗馬己丑再
日講進詹事府庚寅請立儲辛卯進禮部右侍郎兼詹事府


壬辰主禮闈尋進禮部尚書請脩正史直閣明興父子直閣
于陞與父以勤也性好書諳練典故年五十二予祭葬贈少
保謚文獻

沈一貫曰本朝相君子取高第者自陳王焦劉來雖成都
之博雅尚不免于口此世尤甚而無不帖服公誠有以服
之士大夫寵于中外凡二十年公入而稍戢亦善調劑辛
甘燥濕之效易名時惟勤學好問博聞多能可狀躋之來
文華彭安福費鉛山良不忝矣

丙子賜江西許真人祠曰靈祐

國權


萬曆二十四年



丁丑開監田信陽等州縣礦
戊寅大學士張位沈一貫言留守中衛王一清請稅煤炭極
害民不報


辛巳河南按察司僉事邢雲鷺上言大統歷推今年冬至在
申二刻而臣測在未正一刻大統日後天九刻餘蓋以壬辰
癸巳丁酉之相加減定二百五十九刻七十二分四十五秒
得乙未日未正一刻冬至取前後二十餘日計二千餘刻日
日而量之秒々而較之皆同未正一刻無殊此日所行至昭
昭在天非人力懸相所致也乃大統歷差至後天九刻計氣

應之損九百餘九而不自覺豈其未嘗測也今年立春夏
至立冬適值子半之交臣測立春一刻而大統歷推丙子臣
測夏至壬辰而大統歷則癸巳立冬巳酉而大統歷則庚戌
夫立春與冬乃王者行陽德陰德之令夏至則祀方澤之期
也今皆相隔一日則理人事神之謂何是豈謂細故况以立
春隔日而生人之年月日時皆非矣此而不改後將何極且
歷數疎密在交食日昔記之矣乃今年閏八月日食大統歷
初推虧巳正三刻食九分既而臣候初虧巳正一刻食止七
分餘大統歷寔後天凡二刻而計閏應乃轉應若交應則各



宜如法增損之矣蓋日食八分以下陰利交前初虧西北固
歷家所共知也今閏八月朔日食是在陰歷交前初虧西北
其食七分餘明甚則安得謂之初虧正西北食甚九分九十
六秒耶而大統歷之不效亦明甚然此八月也若或值元日
于子半則當退履端于月窮而朝賀大禮當在月正二日矣
又何謂細故耶此而不改臣恐愈久愈差將不流于春和之
食晦不止也故曰閏應轉應之俱宜改也又司經局洗交應
馬鄒德溥請脩改歷法曰臣稽古歷法自黃帝而訖帝凡六
改自漢高帝而訖漢末凡五改自魏文而訖隋末凡十改自

唐太祖而訖宋末亦十改自宋熙宗而訖元凡三改許衡郭
守敬雖絕智巧當亦與古人不甚遠而必其歷三百餘年之
不爽此臣之所不敢信也蓋臣竊跡前事而疑今歷之不能
無差焉正統十四年歷冬夏至晝夜六十一刻古法無有也
此疑一也鄭善夫疏正德元年八月日食歷官報食八分六
十七秒而閩廣之地乃晦十三年五月己亥朔日食起復弗
合則日官周濂亦言之此疑二也欽天所奏日月食曰監歷
云何回、歷云何據有二說此疑三也往年請改歷法數矣
獨楊廉以為日食足徵無差也臣不知廉所云無差特謂報




食云尔抑能任其時刻分秒起復位分之盡訛乎廉時安斂
人鮑泰希歷書以為妙傳而鮑書乃謂守敬歷非是此疑四
也

庚寅四川茂州石泉地震如雷壞城郭


辛卯冊使楊方亨報九月二十日閏白受封

福建同安縣地生黑毛諸兒隨處掘吹之俱有毛長寸餘若
豕毛






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.



Inches 1 2 3 4 5 6 7 8
Centimetres 1 2 3 4 5 6 7 8


TIFFEN Color Control Patches



© The Tiffen Company, 2007

Blue Cyan Green Yellow Red Magenta White 3/Color Black






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.









國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



3393428 v. 45

國家圖書館, NATIONAL CENTRAL LIBRARY, TAIWAN, R.O.C.





國權

萬歷二十五年丁酉

正月壬辰朔 上不朝

大學士沈一貫歸喪予告

陝西左布政使徐汝陽為南光祿卿

丙辰朝鮮告急兵部言去冬十一月冊使未回朝鮮所遣使

官卑禮薄不納仍索王子有此奏今封竣即有警宜自防不

得專恃天朝

國權


萬歷二十五年

一



監官設遷孺木著

國家圖書館, NATIONAL CENTRAL LIBRARY, TAIWAN, R.O.C.



庚申脩乾坤清寧二宮

崇信伯費甲金捐歲祿助工不報

辛酉署兵科給事中徐成楚劾本兵石星及沈一貫雷同欺蔽趙志臯奏辨不報

前吏部文選郎中孟化鯉卒字

新安人嘉靖庚辰進士


授南戶部主事賑河北改吏部至今官起廢被謫好講學人稱雲浦先生年五十三

鄒元標曰新建之學北地諸君子多疑而不信篤信不惑西川尤與荏平孟秋迨先生而三然諸君子不能不疑于

新建之言不能不信先生之人初試民部大挽貪墨之末流再試銓曹欲開拔茅之皇路亦足行矣不盡行者天也巡撫四川喬璧星遣都指揮張神武往永寧宣撫司索印遂掠奢世績二宅得數十萬金又汚其子女置印不問執世績以歸土目閻宗傳等各起兵救主母焚掠永寧赤水二衛普摩二所甚慘神武與叅將周敷吉懼甚不救

二月癸亥趙志臯等以日講官九經講訖請摘講實錄命講章不得輟志臯等請欽定不報

先是四川撫按譚希思王明以西虜火落赤以三千騎犯松



潘謙移總兵駐松潘副總兵改游擊移建武增城堡募兵馬
集械餉留邊儲從之


浙江嘉興湖州地震雨黑平湖大風霾

甲子寧夏平虜所大風頃之叅將廳獸吻生火經時方熄

巡按直隸御史龔文選請錄贈建文臣黃觀併釋姻戚翟翁
二氏下部行之

丙寅朝議倭情時朝鮮刑曹判書鄭期遠乞援遼東副總兵
馬棟報倭將清正正月十四日提二百艘泊朝鮮駐机張營
戊辰夜月犯五車


己巳南刑部右侍郎謝杰上十規略曰 陛下前兩宮同權
今問寢久曠 孝安太后發引不送是孝親之美鮮克如初
也前太廟親祭今皆遣代是尊祖之美鮮克如初也前研究
文學揚權古今 講席虛設是好學之美鮮克如初也前水
旱不時給帑遠賑今開礦四權是愛民之美鮮克如初也前
宮費有節今江右之陶江南之紵西蜀之筴閩中之箴往
踰額是節用之美鮮克如初也前諫疏多採今連章留中一
欲盡逐是聽言之美鮮克如初也前官威任使隨推隨補今
推大僚不用闕廢官不補是賢 之美鮮克如初也前宗祿



曲處今楚見証中璫尋出是親之美鮮克如初也不報
庚午罷直隸昌黎開礦太監田進以與王彪爭採也
辛未給督徵天津等處店租內官閔防
壬申議援朝鮮簡宣大勦遼七千人募浙兵三千七百人令
朝鮮設防海司道官

乙亥張位沈一貫言擇要于平壤開城間建牙立鎮西連鴨
綠旅順東援王京烏嶺勢便則輕兵趨利否則虎踞以臨之
練兵屯田用漢法以教其人通商惠工以佐其費上然之
命兵部傳檄朝鮮朝鮮虞我吞併奏曰本國形勢重慶為門
戶全羅府藏也倭必爭我必守倭據全羅便航帆一二日抵
鴨綠即開城平壤不足為固日者壬辰從陸抵平壤從水犯
全羅繞出西海以舟師扼閑山島今倭據慶尚左右而釜山
西生浦為巢對馬釜山間海洋數百里為餉道若擇慶尚險
要屯兵積餉庶几有濟若屯田則土墾不如南方議遂寢

兵科左給事中徐成楚請亟罷趙志皋石星不報
丙子石星請自往朝鮮諭兩國就盟息兵不許
江南副總兵署都督僉事朱文達為總兵官鎮守廣東
前延綏總兵官署都督同知麻貴仍原官為備倭大將軍總



兵官先薊遼總督孫鏞遣葉靖國往探倭將平清正殺行長而封之清正不聽鑛以清正並無求封意奏上訐石星刑部尚書蕭大亨欲代星位撓其功張位在閣又欲樹功表異于是科道爭劾星等朝議易本止命吏部推上經理朝鮮

甘肅地震


烏撒故土知府安雲龍弟良率阿備來降雲初龍妻隴氏效與安國正謀殺雲龍遺腹子官保以非其出欲雲龍之弟紹慶子效良紹慶陰令阿備推效良據鹽倉以請部議擒阿備聽命至是降巡撫江東之請紹慶鈴束阿備 上從之

丁丑署兵科給事中徐成楚奏倭將豐茂等以六十餘艘復入竹島合西生浦等倭又五百餘艘絡繹海上清正深入晉州則朝鮮存亡不可知奸臣黨蔽謂兩國爭禮文誰信之巡按浙江御史唐一鵬以時事可虞暫停開礦不報駙馬都尉楊春元尚榮昌公主

戊寅京師風霾

己卯御史何尔捷劾趙志皋誤國

辛巳南吏部尚書蔡國珍改北尚書闕數月始補且命戶部尚書楊俊民署吏部待其至



杭州火

癸未湖南澧州安鄉縣群鴉街絮出火焚民居四百餘家

甲申開山西安邑等縣礦

乙酉前應天府丞周希旦卒

太常卿徐元春致趙志臯千金求復用御史况上進發之志

臯奏辨

丙戌四川屏山縣火


丁亥大理左少卿連標疾去顧養謙辭協理京營

庶吉士林應元服闋為吏科給事中

己丑阿木等族番人安巴等入貢

屬夷煖兔犯殺虜堡副提兵李如梅出鎮西堡百餘里擊斬
九十一級獲馬百四十匹

瞿九思曰煖兔拱兔故我開原市夷也何其敢無道乃出
兵哉要之入而市出而仇虜已成自然矣獨思嘉靖初市
不過三五日費亦無慮三二百金而止始是足矣頃來款
賞而來遂以春秋市而費已踰千柰何乎兩兔尤桀哉驚
甚乎哉殺我將卒而閉市之下獨不行誅僂所從來久
遠未嘗不怪虜騎之縱橫抑有由也



三月壬辰禮部請 皇長子冠婚不報

甲午趙志臯言會典 皇子年十二或十五行冠婚禮婚禮
常十五六歲今歲冠明歲婚而次子講讀亦明年行之命禮
部卜日具儀

乙未遼陽副總兵李如梅出鎮西堡遼虜失利部將七十人
百七十餘卒馬四百餘匹是役也如梅與叅將楊鎬決計非
搃鎮意也

戊戌四川按察使川西道分守副使劉卿加布政使右叅政
兼按察僉事採木

己亥兵部以倭將清正欲移慶州乞命搃督趣吳惟忠楊元
各往朝鮮扼險赴救仍趣搃兵麻貴從之

庚子 皇七子常瀛生皇貴妃李氏出


故筦河工部主事袁光宇積勞贈太常右少卿

山西按察使劉天衢致仕進太僕卿

壬寅張位等言吏部會推遼東叅政楊鎬右僉都御史經理
朝鮮不報

癸卯泗州盱眙大水命留漕米二萬石

甲辰初御史李楠巡視陝西茶馬議禁湖南茶杜私販至是



御史徐僑請仍行湖茶戶部議專漢口保寧茶湖南茶兼之
各商先漢引完日方給湖引從之

朝鮮國王李昖乞援

乙巳戶部左侍郎李春先改兵部協理京營

山東布政司右叅政分守 道楊鎬為右僉都御史經理

朝鮮軍務

覈邊臣不諳邊務者改用

丁未豁山西朔州衛虛糧


己酉楊方亨入朝奏臣往副使出京聽正使李宗城行止臣

駐居昌從沈惟敬屢訪清正前進云一入釜山倭即徹還臣
還至釜山未几宗城亦入倭情尚恬去年正月惟敬忽云預
行演禮同平行長渡海嗣聞惟敬往長戈崖行長往見闕白
相隔二三月宗城忽于謝隆忽潛出臣即報部倭情狡詐請
遣臺省或邊道前勘可封可止當事以文臣沮封改臣正使
惟敬副之初議釜山倭盡去始封往已奉兵部札釜山倭戶
各安挿得宜又致書行長令臣或駐對馬島或駐南戈崖候
領補物件臣六月十一日渡海塗館私創供億亦豐八月四
日至和泉平秀吉遣勞閏八月望日領補諸物至行長馳奏

國權

萬曆二十五年


八



秀吉擇九月二日于大坂受封惟敬先去教禮封時拜呼萬
歲次日至臣寓言謝禮俱被地震損傷于四日遣別倭將白
惟敬責朝鮮禮文狡夷蚕食其意可見當事謂行長可恃苟
完目前復責臣謝表竟封事臣思今倭果退即表遲無害今
倭衆仍集雖表何益其表文字跡未恭丙申紀年不奉正朔
兵部貽臣書云日本原未頒歷與琉球朝鮮不同又貽書臣
謂 皇上喜金珠天鷲戎惟敬因市狸、獐天鵝戎以進冒
稱平秀吉猩獐出南番秀吉以鋪地天鵝戎即廣東剪髮細
事罔欺大事可見因上石星密札十三大旨欲苟完封事毋

壞于督撫李宗城亦疏咎本兵石星奏楊方亨反覆附會亦
上其書揭十五紙多督臣陰事命輔臣會訊奪石星職總督
孫鑛除名

茅瑞徵曰惟敬本一亡賴石司馬誤中其游說借款息兵
意雖為國而 持議遂仇通國之言藉口省餉盡撤戍
兵欲依小人舌端成功難矣封使久羈亦稍、數疑遣心
腹偵探復飾詞迷復自甘欺罔至欲媚 上以珍珠鵝戎
防東廠官校漏言此真老而天奪其魄惟敬小人何所不
真令早如遼督撫言罷遣而劉綎吳惟忠輩防戍不盡撤



亦何至壽張潰裂也大臣謀國惟公與虛難言哉

庚戌謚韓府通渭王謨梟曰惠穆楚府江夏王英燬曰恭懿
癸丑申刻日旁黑日二三十餘流繞移時雲隱

乙卯總督陝西李汝以西寧甘州番族降萬餘人宜善撫之
勸後報可

敬妃李氏薨妃有寵內臣劉用以石星故進異寶于妃
上閱其奩詰所自用即自經 上以此惡星追封皇貴妃葬
天壽山

戊午張位薦邢玠可總督蕭大亨可總兵楊鶴宜奪情不報
乙未兵部左侍郎邢玠為兵部尚書總督蕭遼保定兼理糧
餉經略禦倭

濬小浮橋沂河口小河口工成自河南徙徐邳復見清泗議
者謂全河水微妨運決口不塞恐下嚙歸仁隄為二陵患獨
搃河尚書楊一魁謂黃堦口深淵難塞議浚小浮沂泗築小
河口果利運


四月辛酉朔甘肅西寧地震

黎維潭入款次諒山我使責以六事各條對云印文模用
刑部左侍郎呂坤言收拾人心之要如洮蘭之叛山西之紬

國權

萬曆二十五年

十



蘇松之紗羅段絹積于無用孰若定四季袍服歲用千匹而江南陝西之人心收以採木言之丈八之圍非百年之物飢渴瘴瘦死者亡論乃一木初臥千夫難移遭險跌傷死嘗用人至于扛抬豈無傷痕輒云不合式依然重伐倘減其尺寸以其數目而川貴湖廣之人心收今礦稅無利散民間納銀民不能支括庫銀代之豈開礦之初意哉乞勅各省直使臣嚴禁散砂不許借解而各省之人心收自趙承勳造四千之說而皇店開也自朝廷有內官之遣而事權重且馮保八店為屋几何而歲四千金不奪市民將安取足乎乞撤各店內

臣而畿內之人心收餘及國戚因圖屬納國解等事不報
甲子逮開礦指揮賈臣以詐勅印騷擾也

予故南右都御史傅鎮祭葬
戊辰 千戶尹英言揚州沒官鹽利歲可六萬金閣臣沮之不報


己巳寧夏提兵官李如柏疾免
庚午經命略楊鎬奪情視事如譚綸例

遼府松滋王憲燿謚莊懿
安南黎維潭降詣欽州鎮南關繫組跪伏昭德臺下思明府

國權

萬歷二十五年


土



同知李陶成解組維潭起衣履拜訖上疏服罪進代身金人
及通國臣民公疏摠督陳大科等諭還國俟後命其代身金
人舊像囚首面縛維潭以恢復立狀似倨改鑄俛伏收背鐫
安南黎氏世孫臣黎維潭不得蒲伏天門恭進代身金人悔
罪乞恩字莫氏原銀印許維潭暫用俟新印至歸上黎使二
十四人至京大科奏莫之篡黎其事逆先朝猶赦其愆而黎
之復仇其正名今日宜許其順以夷治夷祖宗成法 上從
之授安都統使

蘇濬曰正嘉以來安南黎與莫二酋互相雄據爭欲得中
國之典為重而國家亦察其情形隨宜應之第羈縻多絕
耳比莫氏中微黎氏復興旁觀之議几于盈廷矣大都英
銳之士以漢唐郡縣為名必乘鷗蚌之勢清漲海之塵欲
變夷即華而甘心焉老成之臣惕宋元之遺佩 高祖之
遺訓欲以夷治夷如嘉靖中故事今昔之情不甚相遠傳
曰上者因之其次整齊之最下者與之爭夫治交夷亦若
此哉

葉向高曰黎莫相殘盛衰迭禪程凶較逆無所差等然皆
先後輸誠王封永固國體彌尊威已加矣然後醮之操縱



有宜抑亦參伍于前事也

辛未戶部尚書楊俊民請公舉邊才并嚴舉主之法從之

免綏德等十六州縣田租并賑鄜州等十四州縣

甲戌鎮守延綏總兵官左都督杜桐改征西將軍總兵官鎮守寧夏南前軍都督府僉書朱先為總兵官鎮守廣東先辭老命新銜致任改用浙江總兵官侯繼高

丙子山東左布政使萬象春為右副都御史巡撫山東

刑部左侍郎呂坤疾去

丁丑吏科給事中戴士衡劾葉夢熊呂坤孫鑛等而給事中

劉道亨謂閣臣張位嗾士衡以報孫丕揚也位疏辨

壬午巡撫遼東兵部右侍郎李化龍罷


丁亥太僕少卿張企程疾去

戊子予故大理卿張 祭塋

己丑山東左布政使張思忠為右僉都御史巡撫遼東贊理軍務兼筦備倭

時久旱運河澁而河又決義安東填摠河楊一魁議浚黃堦口及上歸灣活嘴以受黃水救小浮橋泗上之涸

庚寅封魯王常鉉通安王朗鏞建寧王謨堂蒙陰王帥鉞節



西王常湖福山王器瓌清源王器埏汝寧王在唵

五月辛卯朔分守西寧署都督同知達雲為靖虜副將軍總兵官鎮守延綏

癸巳總督邢玠議調川東施州衛酉陽石砭土司邑梅平茶二長官司湖廣永順保靖土司兵萬人不足再調叙瀘馬湖所轄土司土婦奢世續分兵三營令叅將吳文傑等分領之臨洮總兵劉綎提督漢土官兵禦倭總兵官川東道副使王士琦監軍進叅政
乙未南太僕卿余一龍疾去

辛丑茂州保縣地震

甲辰建州衛都指揮

等入貢

戊申撫治鄖陽馬鳴鑿乞停礦不報

己酉 上御午門宣延綏之捷


辛亥叙延綏功進總督李汶太子太保賜金四鎰幣四雙飛魚服一襲巡撫李春先加右都御史詹錦衣衛試百戶世襲金三鎰幣同麻貴都督同知詹本衛正千戶金幣同餘各有差惟石星不叙

壬子進趙志昂少傅兼太子太傅建極殿大學士詹尚寶司

國權

萬曆二十五年

十四



丞張位少保沈一貫太子太保俱武英殿大學士各廢中書
舍人賜金幣

福州飢民誼掠巡撫許寧遠抑米價商民相持尋平

六月庚申朔擺腰台吉借款犯邊總督王世揚以聞

丙寅祭酒李庭机為少詹事兼侍讀學士充正史副總裁南

右春坊右諭德周應賓為右庶子兼侍讀纂脩正史廣

庶吉士朱國楨服除為檢討

癸酉予應天府尹王鶴祭葬

丙子誠意伯劉世延釋獄命還青田世延仍居南京不許

右軍都督府僉書陳霞為總兵官鎮守臨洮

陝西木沙札來等族番人章哈爾節等入貢

戊寅皇極中極建極災諭脩省初丙申三月兩宮災誠意殿

伯勳衛劉世學知象緯曰火氛尚未已也至是起歸極門延


藝皇極門等殿文昭武成二閣周廬俱盡

庚辰閣臣請停開礦皇店

癸未張位等請暫停纂脩正史先是開局于皇極門兩廡被

燬所撰各帝本紀皇后本紀各志俱就郊祀廟祀典禮樂律

天文歷法宗藩學校選舉職官經籍賦役貨幣漕渠鹽法軍



政兵制馬政刑法郡國九邊志凡二十二方事列傳其類二十六揚徐滁陽之三王高祖之十七王成祖之二王仁宗英宗各四王憲宗之三王外戚洪武之功臣諸臣建文諸臣永樂之功臣諸臣洪宣諸臣正統天順諸臣景泰諸臣成化諸臣弘治諸臣正德諸臣嘉靖諸臣隆慶諸臣又理學文苑循吏高逸孝節亂逆權倖方技四夷

設遷曰往脩正史取材于玉堂餘無及焉其簡用已陋時又陳文憲捐館舍主議虛無人因柏梁之災乘之以輟筆予嘗讀典禮河渠兵制諸志及本紀列傳間見數首多蕪

率望之靡然業肇筆彙類以從或異才出而潤色之亦云幸也脩焉廢閣諸稿散佚抑新建輩如其成謂不自我始耶

左春坊左庶子兼侍讀劉應秋為祭酒


甲申遣勲臣告災郊廟社稷

許吏部左侍郎孫繼舉引去

鎮守陝西總兵官劉承嗣為南前軍都督府僉書甘肅總守

官王賦業為右軍都督僉書

己丑庶吉士劉綱以屢災宜實圖脩省語侵趙志舉不報後



內計落職死公論惜之

設遷曰詞臣固緘默善事殿閣駁叙進編秩如貫珠此
其事甚明也劉綱易其言侍郎曾朝節以察處迎附絳灌
疇不為效力者而今日劉綱果躁士不宜喋喋沾沾彼鄒
智為何人哉柰何慨詆之也

工部請停陶器織幣不允

七月庚寅朔雷火燬黃花鎮臺垣械器

壬辰吏科給事中

劾張位所言開礦皇店為遷就容

別簡閣臣不報

癸巳戒諭百官例御門視事是日命暫行于文華殿
巡按直隸御史馬從聘言近日太山崩相離里許請罷採礦
不報

刑部主事范訪言罪已之實令輔臣條奏時事不報

乙未予故兵部尚書傅希摯祭葬又故太常卿徐元春祭葬
禮部言其賄敗乞寢之


設揚子江永生洲把總戍千人

丁酉詔曰朕惟嗣服之初蓋亦無時豫急第緣歲積頗恃政
成兼以多病侵尋猶須深居靜攝郊廟闕躬承之禮朝講希

國權

萬曆二十五年


十七



臨御之時喜怒有失其平用舍未歸于當奏章每滯官曹半
虛忠言少聞民隱莫達方隅多故兵食之征調日繁營造又
興開礦之征求四出加之旱乾水溢析民室家汚吏貪官賂
民膏血叢此人怨屢干天和六月十九日皇極等殿被火震
驚寢宮燬燼曾几何時正殿崇嚴又復罹此震驚列聖憂感
慈帟踏地跼天靡所容措况夫一人臨御之地乃萬國衣冠
所歸天意若此朕實不德茲已虛中籲禱痛加艾懲被志改
圖誓從今始嚴勅庶位各獻忠猷惟天視聽在民惟民依歸
在德爰稽典制特布詔條庶藉有衆之懽以回皇穹之眷銷

咎徵于已往迓福祉于將來所有寬郵事宜條列于後云
嗚呼我國家忠厚比于行葦舊德弘深余一人警戒切于苞
桑新恩普被式慰渴懸之民望仰承仁愛之天心數告四方
咸宜知悉

時大臣循例自陳惟刑部尚書蕭大亨侍郎朱鴻謨都御史
郭惟賢詹事侍郎劉元震京營都御史李春先順天府丞劉
士忠疏不下閣臣請發不報
洗馬鄒德溥削籍初籍霍文炳宅一區瘞金五萬五千有奇
德溥門生王良材偵知之同德溥僦居而分之至是東廠以



聞巡城御史况上進論其偽學盜臣遂德溥方命主試應天
被斥仍追入其貲

壬寅 孝安皇太后小祥輟朝改御文華門為常

癸卯進總督李汝太子太傅叙去秋九月敗套虜之功餘各
有差

甲辰夜夢惑犯歲星

丙子侍讀朱國祚為左春坊左庶子仍兼脩撰右春坊右中
允兼編脩郭正域葉向高並為左諭德兼侍講司業方從哲
右中允唐文獻並為右諭德編脩全天叙為左中允檢討蕭


雲舉為左贊善

戶部右侍郎周思敬為左侍郎左副都御史張養蒙為戶部
右侍郎

左軍都督府僉書署都督同知蕭如薰為總兵官鎮守陝西
逮陝西開礦百戶劉議以詐偽騷擾也

庚戌遼東西路副總兵署都督僉事趙夢麟為平寇將軍鎮
守甘肅

辛亥北場提調官例順天府丞時劉士忠自陳未下疏改太
僕少卿孫瑞



丙辰總督邢玠計拘沈惟敬命下獄惟敬在倭將呵哩馬女
令王桂葉芳雕偽印上表又遺閔白金珠駝馬閔白荅曰爾
獻方貢具見恭謹

丁巳南右通政蓋孟一脉疾去

戊午巡按直隸御史周盤言脩省之寔郊廟必親朝講必舉
正儲位收礦使起罪廢貸枉直補闕官發章奏出帑藏止採
辦御近習減織造不報

湖廣荊門州黃陵陂左山高數尋一夕失之為平地

八月庚申廢吉士朱延禧黃志清南師仲陳之龍何宗彥劉綱

趙用先孫如游鄧士龍顧秉謙為編脩檢討劉餘澤為科
給事中白瑜俾祺為御史

巡撫湖廣李得陽疾去


壬戌壬京師雨雹

丙寅趙志皋入直請冊立冠婚復常朝皆不報

九月己丑朔檢討李騰芳言安壤八事定戰守重內地明賞罰
假將權練京兵積留餉破久法祛宿蠹不報

壬辰石星下刑部獄

趙志皋請設天津登萊撫臣特遣御史監軍從之



乙未巡將楊元下經略罪之

吏部尚書蔡國珍三年考滿進太子太保

戶部左侍郎周思敬卒予祭葬

丁酉起陳璘副總兵以廣東五千人援朝鮮

御史陳效監軍朝鮮紀功

山東右布政使萬世德為右僉都御史海防巡撫天津登萊

辛丑法司會訊石星擬戍 上以私庇刑部尚書蕭大亨奪

官廕 白棟削籍餘奪歲俸遂論星隱匿軍情失誤

律論死妻子永戍石星東明人嘉靖壬戌進士自行人進給

事中隆慶三年直諫廷杖削籍復居本兵非其任也

脩撰焦竑上 皇長子養正圖解

壬寅鎮海虜清永寧分犯 官軍拒卻之斬百七十餘級

勞總督李汶等金幣總兵達雲寔授都督同知姜可嘉署都


督僉事

癸卯謚肅府會寧王縉劾曰恭懿

乙巳巡撫山西魏允貞以織幣踰限奪俸半年

戶部右侍郎張養蒙兼右僉都御史督理東征糧餉

戊申浙江副總兵周于德提督天津登萊旅順防海禦倭總



兵官

庚戌時倭入朝鮮公州犯稷山副總兵鮮生中等拒卻之叅將彭友德等追至青山共斬百五十二級經理楊鎬馳赴王京擊斬二十九級倭少戢

癸丑太監陳增劾山東福山知縣高國賢阻撓開採逮下獄巡撫萬象春奪歲祿明年國賢削籍

逮天津兵備副使許守恩邢玠議脩海舟守恩不即應且言海運不可行海舟不可用故被劾

丁巳兵部署侍郎李楨言禦倭事守王京禦漢江備旅順防

登萊聯海岸烏嶼 上是之

十月戊午朔文華殿頒歷誼統鴻臚寺卿張棟罰俸三月序班羅曰衷等下刑部

癸亥趙世卿為戶部右侍郎總督倉場張孟男為南戶部尚書南禮部右侍郎楊起元改南吏部右侍郎

先是總督漕運褚鈇論徐州管河判官程潮沛縣主簿強性寬而搃河楊一魁言可用鈇因乞罷不報


丁卯右諭德唐文獻疾去

壬申予故兵部尚書史道祭葬

國權

萬曆二十五年

三



編脩吳道南直 皇長子講讀

甲戌叙廣西岑溪七山功進陳大科右都御史仍總督賜金
二鎰幣二戴燿兵部右侍郎仍巡撫金減幣一餘各有差
丁亥吏部科給事中劉可楫言御史始差引奏回道考察制
也頃者楊俊民換差之說行廢其制乞切責俊民不報


十一月戊子朔祭故南吏部右侍郎習孔教字 江西廬陵
人隆慶戊辰進士官檢討忤張居正會星變察處府佐劾免
後薦起南戶部郎中歷諭德署翰林院憂去起少詹事歷禮
吏部右侍郎俱未赴

辛卯順天考官中允全天叙脩撰焦竑皆陪推也徹棘有異
議禮科給事中曹大威忝貢士吳應鴻汪泗論曹藩鄭棻等
謂竑與分考官何崇業賄通竑奏辨皆天叙所取士臣惟取
曹蕃天叙亦奏辨

癸巳巡撫宣府王象乾加右副都御史

甲午故工部尚書楊兆孫新芳與叔汝業爭產訐其通夷不
法及侵尅軍餉百萬奢僭 上遣官沒入之奪誥廢并逮沁
源知縣方簡趙志臯揭救不報

壬寅邢玠以倭駐釜山請徵兵十萬歲餉八十萬石派朝鮮



十萬石從之

逮前吏部文選員外郎蔡應麟以方簡詞連其受賄也

甲辰吏科給事中劉道亨論禮部儀制郎中張世才賄差京

考李長庚賄得鄒德溥策一道與應天雷同順天貢士吳應

鴻等或冒籍或關節或疵謬皆不糾叅且議處世才奏辨部

議調用

丁未予故左副都御史侯于趙祭葬

十二月己卯麻貴進攻蔚山游擊擺賽以輕騎誘倭入伏獲四

百餘人倭悉走島山築三砦

庚戌我攻島山游擊茅國器以浙兵先登連攻之斬六百六

十一級倭堅壁不出島山石城而固我仰攻多傷第據水道

困倭旬日倭飢甚至啗紙我發炮輒命中而怠倭佯約降緩


攻而行長來援又慮我襲釜山也選銳三千人列幟江上

協理京營戎政左副都御史李春先致仕

癸未陝西按察使尹應元為右僉都御史巡撫山東

乙酉京師地震

丙戌賜故禮部尚書章懋祠日崇儒廸接浙江御史唐一鵬
言之



是年隴川宣撫司多安民叛歸平緬殺鎮撫林承恩
雲南大侯州叛酋莽廷瑞平改土為流置雲州

國權

萬曆二十六年戊戌

正月丁亥朔 上不朝

寧夏地震

戊子福建長樂縣河南澳地陷五十餘丈深五尺


己丑楊鎬棄師初經略邢玠遣李右諫通倭將行長約弗援
清正麻貴遣黃應暘賄清正議款遽引兵進攻山砦陳寅賈
勇先登垂拔鎬密令割級茅國器以李如梅兵未至不便首

國權

萬曆二十六年

一

國家圖書館, NATIONAL CENTRAL LIBRARY, TAIWAN, R.O.




功遂鳴金收兵詰朝如梅至攻之不拔朝鮮臣李德馨訛報
江上倭大至鎬倉皇夜遁諸軍遂潰倭襲南原棄輜重無美
行長縱江逐北我軍失亡萬計鎬貴走星州撤兵還王京會
邢玠奏蔚山之捷

甲午禮部請 皇長子冠婚閣臣及禮科給事中項應祥等
皆言之不報是後廷臣交請皆不報

乙未巡按湖廣御史趙文炳吏科給事中劉為楫各劾兵部
主事馮上知典試湖廣枉道麻城受知縣游朋孚之賄又庇
黃州知府瞿汝稷以同鄉曲庇朋孚上知奏辨科道交劾命

免上知朋孚官聽勘調汝稷仍申飭被論官不許飾辨
經略邢玠言倭據朝鮮之南海東西亘八九百里臣等進剿
彼力不能支必舟師入內地故吾所必拔則防不可不慎今
總兵周于德統水師如倭內入則剿如仍據朝鮮聽臣調為
夾攻之舉山東總兵李如成勲宜率舟師汎長山島以守登
萊之門戶備旅順之應援保定總兵暫移住天津以固內地
章下所司

李如松為征虜前將軍總兵官鎮守遼東兼備倭總兵官言
官交論不報



巡按江西御史葉汝盛請補改吏部左侍郎張元楨祭酒胡儼氏大學士解縉謚

丙申追封唐王長子宙枝承休王謚恭惠

戊戌廣西總兵童元鎮浙江總兵李應詔各易鎮


朝鮮閑山失利亟需舟師閣議募閩海商舡資防剿從之

己亥發太僕寺金五萬犒東軍

庚子閣臣請墾田山東以巡撫舊勅原有營田事今特責成令巡撫委廉能官招流人報名墾荒辨其衍沃原隰之宜以生五穀六畜之利不數年可稱天府

前吏部尚書陳有年卒字登之餘姚人嘉靖壬戌進士授刑部主事改吏部歷驗封郎中在驗封執爭朱希忠贈王事引疾去里居十年起考功郎中調文選時張居正敗推轂衆正尋進太常少卿擢右僉都御史巡撫江西再諫燒造得減十之三被劾去起南操江進右副都御史歷兵吏部侍郎遷南右都御史長吏部忤時相去卒後起南右都御史年六十予祭塋贈太子太保謚恭介

二月丁巳令天津巡撫移萊州山東巡撫移濱州順天巡撫移山海保定巡撫移山東



戊午左僉都御史郭惟賢上奏交三事並補闕官並下行取
亟錄逐臣不報

庚申大學士沈一貫侍讀學士曾朝節主禮閣

辛酉吏部郎中白所知削籍以吏科給事中戴士衡論其大
選未竣匿喪營陞也尚書蔡國珍代辨且求去 上斥所知

留國珍御史况上進論國珍

壬戌廣東冒籍貢士許鳴轂柯雨江除名

甲子趙志臯請欽定行取官不報

順天府丞支可大為右僉都御史巡撫湖廣浙江左布政使

曾如春為右副都御史巡撫河南

乙丑兵部右侍郎余立為左侍郎協理京營南工部右侍郎

董裕改刑部右侍郎


總督河道楊一魁兼理漕運御史馬從聘言河漕一柄兩操
矛盾易生故合之

丁卯南戶部右侍郎兼右僉都御史余懋學卒字 安徽

婺源人隆慶戊辰進士授撫州推官遷南戶科給事中忤張

居正除名尋復秩歷尚寶太僕光祿卿通政使至今官年

十 子祭葬



焦竑曰當江陵盛時人莫能指議而公首白發之故望余
公甚迨夫柄地易讜論伸而險詖者亦往借以牟利卒
至群言淆亂國是几搖識者心非之而不能絕曰吾黨也
本之擊奸而竟以自固初心之謂何余公十蠹之疏侃
然顯斥之為貸豈不為尤難者而顧以此不容語云不容
何病不容然後見君子信矣
庚子山東按察使李誌為右僉都御史巡撫鳳陽
總督宣大王世揚回任兵部右侍郎南太常卿楊時喬為南
通政使


時遼東錦州塞外降夷哈刺具散哈什等所部來降者六百
餘人云土蠻部落譯之又朵顏屬夷也撫臣議不使受科臣
云無可疑

癸酉設薊鎮東南濱海副總兵一游擊二募三千三百餘人
乙亥止徵湖廣永順土兵初土司彭元錦自請率萬人東征
已撫檄不相符也

戊寅副總兵都督僉事陳璘為禦倭總兵官

壬午巡撫廣西陳璘加兵部右侍郎平峒寇功

三月戊子寧夏城東天鼓鳴如雷



御史黃紀賢言年來吏部避嫌立掣籤法允選除升降不問
人地宜否惟籤是憑如德清知縣以吏科都給事中劉為楫
糾降而抽籤得判霸州夫霸州為楫里也俱未便乞另調繼
芳改籤法有旨繼芳別用

己丑荆王常澆薨

庚寅謚故總督兩廣戶部右侍郎蕭彥

予故戶部尚書高耀祭塋

壬辰南禮部右侍郎陸可教卒

浙江蘭谿人萬歷丁

丑進士由庶士官編歷春坊中允侍讀學士至今官年六十


有 予祭塋

丙申署兵部左侍郎李楨言貴州土司安疆臣先貴竹司改
新貴縣王目夜莫等叩閩讀奏疆臣詭獻地為解崛強若此
且改縣多年孰得易之不可必再勘報可

丁酉前刑部右侍郎呂坤言科臣戴玉衡謂臣所輯關範圍
說包藏禍心臣于萬歷十八年官 按察使刻是書不意

外戚郭承勳恩重刻士衡疑臣逢迎掖庭也疏上不問

庚子廷策貢士顧起元等三百人于奉天殿賜趙秉忠等進
士有差



吏科給事中劉道亨劾大學士張位結黨亂政黨指祭酒劉應秋右都御史徐作等 上怒誚道亨樂清主簿

工部覆工科給事中楊應文議開泇河泇河在滕嶧沂沐下流南通淮海隆慶以來數議未決舒尚書應龍嘗鑿韓庄中輟時河決單縣黃垆口請終其功報可

丙午祭酒劉應秋署工部事徐作各奏辨不問

壬子趙志皋請皇長子冠婚是日禮部署印侍郎劉楚元等吏部尚書蔡國珍等前軍都督府徐文煇太常寺卿范崙禮科給事中項應祥御史黃紀賢等俱詣文華門上章候旨云


必得命乃退命司禮太監田義諭曰此大典也稍候時月何相挾為群臣頓首退

海州烏鎗大鳴錦州城旂端出火

存問前禮部尚書陸樹聲

巡接河南御史姚思仁薦光州貢士蔡毅中孝行旌之 東西銀歹等首犯寧夏中衛總兵杜桐令叅將蕭如蕙進至水塘溝斬六百二級廣武營游擊張詩斬二百五級

四月丙辰時東師九萬人以前副總兵鄧子龍善水戰命領旅順等水營副總兵事出海




叙都勻功巡撫雲南林喬相等賜賚有差

庚申總督兩廣陳大科進右都御史兼兵部右侍郎巡撫廣西戴燿加兵部右侍郎

壬戌禮科給事中曹大成條議會推掣選之法凡畿宜倣會試例設南北中三等其福建兩廣雲貴屬南畿北直山東西河南陝西屬北畿南直浙江江西湖廣四川屬中畿南人掣南北人掣北中人掣中則土俗民情俱習又稱趙南星才品有旨會推大臣必九卿科道各舉一人吏部司官關令部院各開送待朕自定趙南星前斥不許推用今後科道官不許

稱薦吏部

副總兵陳璘以廣兵譁于山海關命副總兵吳廣同璘領之癸亥命吏部同都察院甄別朝野司官既列上命留南金仲王永光馬大儒梅守峻潘洙其錢養廉王就學王之棟穆深並削籍前文選主事馮養志稽勲負外郎韓策文選主事常道立常守信並外補文選負外郎夔幼金前文選郎中唐伯元鄒觀光劉學曾驗封負外李復陽曹愈恭稽勲郎中蓋國士考功負外郎趙邦柱文選主事張泮武之望閔廷甲梁見益考功主事洪文衡調南京



韓府長吉王璟瀾謚莊靖


乙丑南大理卿沈應文致仕

丁卯巡按河南御史姚思仁上開礦圖說

虜寇遼東總兵官李如松以五千逐之深入中伏死之叅將
李平胡張玉等並陣沒如松字子茂鉄嶺衛人寧遠伯李成
梁長子也年十六從擊虜有功乙亥授指揮同知丁丑守備
黃花鎮戊寅密雲游擊數有功己卯馬水口叅將辛巳進都
都僉事副總兵癸未總兵山西甲申右府僉書明年提督巡
捕丁亥總兵宣府己丑改山西辛卯仍右府僉事書壬辰西

平呼氏進太子少保左都督尋東征功成論去至是鎮遼東
身殉之年五十贈少保寧遠伯謚忠烈廕鉄嶺衛指揮使祭
葬立祠

設遷曰李氏世將而子茂尤勇果身先士卒氣吞大虜戰
寧夏張亮堡時才二十人突虜數萬戰平壤開城前無衛
陣赫然為時將冠晚節不幸委骨黃沙聞者悲之魏夏侯
淵雖戰數勝曹操嘗戒曰為將當有怯弱時不可但恃勇
當行之以智計但任勇一匹夫敵耳李子茂惜功名不終
自後諸弟俱敗隕其家聲彼執綉又不足道矣



命李如梅自朝鮮退還鎮遼東

丁卯吏科都給事中劉為楫給事中張正學俱忤旨吏部擬為楫遼東苑馬寺主簿正學貴州宣慰司經歷不允命遠之已巳衛府商城王載塔謚康順周府彰德王勤焯謚康懿華亭王朝垣謚恭穆魯陽王勤仄謚莊憲儀封王 謚莊簡庚午銅仁土司改銅仁縣以土官李永授會殘也

辛未前吏部尚書陸光祖卒字與繩浙江平湖人嘉靖丁未進士知濬縣秋潦傷稼呈兩臺不許即疏上減賦十之三脫盧楠于死奏最避宗人陸炳得遷南禮部主事憂去補祠祭


癸亥調吏部歷文選郎中乙丑佐計汰斥惟允進太常少卿論罷隆慶初起南太僕少卿歷大理卿工部右侍郎又被論去又起南兵部右侍郎轉吏部以持張居正獄忤時去出南工部歷刑吏部尚書俱南嗣改北吏部 上嘗于職名下書曰清正秉銓執法中忌去年七十七予祭塋贈太子太保謚莊簡

馮時可曰嘉隆以來天下士唯、阿、寢處顛倒于脂膏間不自持矣予詭者乘之而起爭陞而陞爭堂而堂負建鼓立赤幟震撼撞擊必欲使天下出字下附津殘以自雄

國權

萬歷二十六年

十



高也甚乎哉蒙偽而引奸陸先生巖、人地操堯鑰司月
旦五十年挺其重以重國家而無張勝形于一時安然挾
所得此哉血誠至心洗如關外蹕厲而神清恬直且大矣
自公後正人君子望標啟塗而相為維挈天下幸以安瀾
覆盂如其仁如其仁
壬申命百官脩省求雨
甲戌李如梅為征虜將軍鎮守遼東兼備倭總兵官董一元
為禦倭總兵官


乙亥封金山黑龍潭神曰護國濟民神應龍王立廟 上前

幸天壽山回歷之至是禱雨而驗

辛巳起吳定大理少卿

梅國楨為兵部右侍郎總督宣大山西軍務陳藻為戶部右
侍郎

安徽全椒知縣樊玉衡先以御史論惠安伯張元善等謫無
為州判官進知全椒有治聲至是奏 皇長子冊立冠婚略
曰 皇長子睿質尚弱岐齡有需即聖意牽制藉口從容可
也今 皇長子年且十有七矣有室有家父母之心人皆有
之 皇上獨無是心乎臣庶之家冠婚亦必及時况帝王典




禮。祖宗喪憲冊立冠婚尤不可以毫髮爽者使天下萬世謂
有子不立有子年十七而不冠婚蔑常棄典自我 皇上始
乎 皇上雖無廢長立嫡之意而牽于皇貴妃濡遲隱忍甘
以社稷為戲 祖宗朝豈無一二親愛疑似之人而終不以
易是典禮 先皇帝遲莫春官之日天下已不憂勝而冠婚
二禮亦未過而不舉蓋以昭繫屬之重杜窺伺之萌鑒前古
之亂亡建萬年之長策不可易也疏上成雷州衛不報

壬午封崇王翊鈐

吏部擬吏科都給事中劉為楫降陝西布政司都事左給事

中楊廷蘭降浙江布政司理問給事中張正學降興安州判
官戴士衡蘄州判官林應元解州判官 上不允改遠之
癸未太常少卿萬自約為順天府尹廣西左布政使陳洙為
南光祿卿密雲兵備道副使王見賓為右僉都御史巡撫延
綏贊理軍理

國子學錄張養蒙上言孟子父不得概曰孟孫氏蓋訛傳懿
子何忌非軻父也宜改稱先賢孟激公而懿子亦應從祀兩
廡又林放蘧瑗不宜改祀于鄉蔡元定宜改祀文廟東廡又
周輔成既比珣松則張載之父宜比輔成列



京師雨雪

上命鴻臚寺序班范光裕給安南都統使黎維潭勅印仍收其舊印

五月乙酉朔劉為楫降遼東苑馬寺主簿楊廷蘭降廣東鹽課司副提舉

戊子起陳有年南右都御史有年前卒

贈擺賽副總兵子世本所副千戶

旌原武王朝瑜孝行

庚午甘肅古浪城樓火鐘自鳴

辛卯房土守為右副都御史巡撫大同

甲子甘士价為大理少卿林煜太僕少卿孫瑋田四科太常

少卿章尚學通政司叅議

游應乾鄭繼之為南太常太僕卿連標為應天府丞


定吳廣領水師屬劉綎節制陳璘領水師赴鴨綠江

前順天府尹田疇劾去

丙申逮雲南監軍叅政李先著下獄初大侯州叛酋猛廷瑞

與婦翁奉學攻從兄思賢所過州縣殺掠亡美巡撫陳用賓

議剿遣叅將吳顯忠直抵順寧敗賊圍之且下先著聞有旨



今廷瑞奉擒學自贖遂班師廷瑞走觀音山勢復振顯忠再
剿誅奉學擄廷瑞而用資以先著受賄縱賊下詔獄論死
溫純為左都御史謝杰為刑部左侍郎陳惟芝為大理寺右
少卿

戊戌王守仁王錦仍入京謀告訐下獄

庚子諭內閣待新宮落成行 皇長子冠婚禮

吏部右侍郎裴應章為左侍郎禮部右侍郎楊起元改吏部

右侍郎李植為右僉都御史巡撫遼東

辛丑吏科給事中戴士衡全椒知縣樊玉衡削籍任衡戌

玉衡戌雷州衛先是庚寅山西按察使呂坤輯闡範圍說

脩撰焦竑適奉使序之外戚錦衣衛帶俸都指揮使鄭國泰

增刊后妃首漢明德皇后終鄭貴妃或託燕山朱東吉跋曰

呂先生為此書也雖無易儲之謀不幸有其跡矣曾見從古


以來有宮闈與見任大臣刊書者乎云々標名憂危竝議內

刺張養蒙劉道亨魏允貞鄭承恩鄧光祚洪其道程紹白所

知薛 皆稱呂所見極高戴士衡前奏呂坤包藏禍心樊玉

衡前疏有 皇上不慈皇長子不孝皇貴妃不智貴妃聞之

遂泣訴于 上謂憂危竝議出土衡手張位嗾之令從子承



恩奏入目為二衡 上怒甚

壬寅諭內閣曰國家多艱人心澆薄假公濟私挾仇害人法令不振紀綱蕩廢朕甚恨之以諭卿等

癸卯左中允屈灼為右通政使御史丁賓為南京大理寺右寺丞

雲南巡撫陳用賓進右副都御史照國公總兵沐睿進署都督同知以蠻莫功


六月甲寅朔命各巡按御史清賦額起解濟國用回道日考課從戶部尚書楊俊民之言

襄城伯李承功奉使驛擾奪歲俸

巡按直隸御史趙之翰以憂危竝議為戴士衡偽造中傷善類主于張位預謀者徐作劉楚先劉應秋楊廷蘭萬建崐也下部院議

庚午南工部尚書葉夢熊卒字 廣東歸善人嘉靖乙丑

進士令福清進戶部主事改御史言事謫邵陽丞歷守贛州平冠進永平副使作火車神銃領九塞歷撫貴州陝西甘肅進封亨承恩拜總督三邊功成加右都御史尋進尚書加太子太保




癸酉禮部右侍郎劉楚先右都御史徐作並罷祭酒劉應秋
降編脩吏科左給事中楊廷蘭謫懷仁典史禮部主事萬建
崑謫武緣典史時部院議劉楚先劉應秋當供職楊廷蘭萬
建崑當降調張位徐作當回籍有旨出 上自定之
甲戌 上以昨論大學士張位受美珠削籍值赦不宥
耿定力為南右僉都御史提督操江
丙子改萬世德經略朝鮮汪應蛟巡撫天津以監軍陳效專
任朝鮮紀功另遣御史巡按遼東

起李戴吏部尚書曾同亨為南吏部尚書劉東星工部左侍

郎兼右僉都御史提督河道故事河漕兩府總漕居淮

漕運

安主發運總河居濟寧主疏渠至是合之並屬東星東星循
行河隄謂梗漕治在標決河治在本兩利而並舉之議開趙
渠蓋商城虞城以下至于徐州元賈魯河故道也行百餘年
嘉靖末北徙潘尚書季馴議開之計費四百萬而止又河決
單縣黃垆口稍盪成渠惟曲里館至三仙臺四十里阜陸如
故東星因開之又自三仙臺至泗州小浮橋開支渠 里又
濬漕河起徐邳至宿費可十萬緡
田樂為兵部尚書李庭机為南吏部右侍郎



已卯起周世選為南兵部尚書許弘綱仍太常少卿

吏部覆禮科給事中曹大成所議掣籤法言三等未便分籤
東西南北四筒東北則北直山東為主西南河之汝彰歸衛
南直之廬鳳淮揚附之東南則直南浙江福建廣東為主而
廣西之梧州平樂桂林附之西北則陝西山西而河南之懷慶
開封河南南陽湖廣之鄖陽附之西南則湖廣四川雲貴而
西之柳南寧遠潯太平附之科貢考選前三名與進士同
掣其餘舉監仍與有進士舉選至首領佐貳有錢穀詞訟
之責本省易嫌難照教職例上從之

七月丙戌南祭酒馮夢禎總督兩廣陳大科罷以南戶部主事

歐陽東鳳劾其貪狀

神武衛千戶朱仁等奏湖口船稅可萬餘金又舊歲廠也命
內監李道往鴻臚寺主簿田應璧言兩淮沒官餘鹽又命內
監魯保往

詔操江應天浙江江西湖廣各巡撫如淮揚聞警即馳援
予故大理卿張夢鯉祭墓


夜有大星流東方色青白燭地後二小星隨之

丁亥兵部以巡撫貴州江東之奏西水宣慰使安疆臣跋扈

國權

萬曆二十六年

十七



狀初安疆臣殺土官安國貞次子定巡按奏草冠帶疆臣不受命

余繼登為吏部左侍郎朱國祚為禮部右侍郎並直日講方從哲為祭酒

趙可懷為工部右侍郎劉敏寬為右僉都御史巡撫甘肅四川按察副使王國為南鴻臚卿尋敏寬坐勘罷上責兵部

侍郎李楨濫舉調楨南京

已丑督餉戶部右侍郎張養蒙回部

選庶吉士黃國鼎楊希聖李思誠周道登溫體仁梁有年洪

瞻祖張鳳翔趙師聖高承祚張文光邱禾寔王毓宗張邦紀

盛以弘林秉漢楊文瀛黃陞曾舜漁

壬辰日本平秀吉死子秀賴幼外舅家康攝政止以和泉河


內二島歸秀賴

己亥諭德葉向高郭正域為左右庶子洗道袁宗道范醇敬為左中允

庚子吏部左侍郎劉元震禮部右侍郎曾朝節教習庶吉士

丙午南司業楊道賓署翰林院

故南戶部尚書陳于陞贈太子太保



戊申內官魯保經理淮鹽李道督稅湖口俱許節制有司戶科給事中包見捷趙完壁郝敬等各言之不聽

庚戌前禮部右侍郎韓世平能字 江南長洲人隆慶二年進士官編脩歷侍講祭酒侍郎教習庶吉士年 十有予祭塋

辛亥前南太僕少卿王惟中卒

壬子陸萬垓疾去夏良心為右副都御史巡撫江西陳惟芝為右僉都御史巡撫應天徐三畏為右僉都御史巡撫甘肅癸丑陳州妖人任世身謀亂伏誅

八月甲寅朔范崙為通政使許孚遠為兵部左侍郎起趙煥南右都御史

丙辰趙志臯進累朝寶訓寶錄二千三百四十五卷

戴耀以原官提督兩廣兼理鹽法巡撫廣東


丁巳太常少卿傅好禮言近郊假官抽稅上未報越三日好禮伏文華門求面對曰不得旨明當復來 上怒降廣昌典史大理卿吳定疏救降陝西右叅議又科道疏救剛定籍而假官二十八人下鎮撫司

設潞南州儒學

國權

萬曆二十六年

九



乙丑惜薪司柴炭歲額兵工二部二十餘萬至是求益戶科
給維春言歲進物料上用僅十之二三餘盡入私囊事中賈
今復求益不過厭其溪壑耳豈真為國家計盈縮哉不報請
旨仍不報

丙寅南司業黃汝良為南右春坊右中允

戊辰郭正域為南司業

己巳予故南太常卿張鹵祭葬

播州楊應龍日殘虐議擇將統兵駐札五司

李盛春為南兵部右侍郎

丙子前禮部主事萬建崑被謫奏辨削籍

起郝杰南工部尚書王基南刑部右侍郎南通政司右叅議

李三才為大理右寺丞


丁丑夜京師地震復雨雪

戊寅太常卿劉四科為太僕卿南大理右寺丞朱廷益為南
通政司右叅議

辛巳前兵部尚書張學顏卒字

肥鄉人嘉靖癸丑

進士今由沃擢工科給事中歷外僉事叅議拜右僉都御史
巡撫三年多斬獲累進兵部侍郎右都御史兼理京營戎政



本兵六年滿加太子少保尋進太子太保致仕十有
祭塋 予_{年六}

九月癸未朔起王賦業摠兵官鎮守臨洮

乙酉巡撫山西魏允貞加右副都御史

丙戌聽調兵部左侍郎李楨引疾去

貢士福清林章上破倭全策下兵部

辛卯大同神机庫自崩火藥激傷人畜甚衆

壬辰免浙江水災田租

癸巳益都知縣吳宗堯奏山東提督礦務太監陳增罔上營

私制官毒民益都有鉛砂無銀礦增強之入銀業非法矣更
強採者代納稍緩逮吏民 陛下所得十一而增私索十九
罪不容誅


左諭德范醇敬左中允袁宗道主武舉

戶部尚書楊俊民考滿進太子太保

予故南兵部尚書吳文華祭塋

丁酉趙世新嗣忻城伯

己亥禮科議謚先臣兵部尚書伍文定毛伯溫吏部左侍郎
張元楨南刑部右侍郎吳梯都御史魯穆大理寺卿夏時正



禮部右侍郎田一鶴大理卿 尚寶卿孟秋中允郭希賢
庶吉士鄒智御史劉臺左諭德張元忭
癸卯河南撫按曾乾亨崔邦亮上言潞王微行遊戲 上切
責之

邢价合兵七萬分三道以搃兵劉綎董一元麻貴領之

乙巳巡撫山東尹應元奏劾陳增之罪忤旨奪歲俸削籍吳
宗堯籍

前南刑部右侍郎李江卒字 直隸武定人嘉靖乙未進
士知廬陵陞御出四川監軍御史平九絲蠻歷右副都御史

巡撫湖廣平叛苗致仕予祭葬

丙午督徵天津店務稅內使王朝死巡撫汪應蛟工科包見
捷各省請勿補 上切責之


慈聖皇太后傳戒潞王微行 上亦賜書規之

己酉立顯忠祠祀故欽天監五官監候楊源

十月甲寅御史劉景辰給事中侯慶遠請寬吳宗堯不報

辛亥以陳增誣奏前山東益都知縣吳宗堯侵欺加派逮銀
下鎮撫司


乙卯朝鮮告急初劉綎進兵偏平行長使吳宗道約行長為



好許以五十人往綖設伏令健卒詐為綖而身行酒約吾輩
帳即放炮圍之詰朝行長果至顧行酒者曰此人有福綖駭
愕真壺而出砲舉伏發行長躍馬後騎鴈列奪路去明日行
長遣謝謂昨登席舉砲重客也誤生疑心行長貽綖巾幗綖
攻城行長潛出千餘騎犯之綖失利七千人陳璘在 亦
棄軍遁溺萬餘人綖璘互訐邢价不以聞麻貴至蔚山望之
空壘趨馬忽旂幟蔽空貴策馬而逝喪兵七千董一元令茅
國器約正成完封局正成佯聽之掩殺我兵殆盡流血四十
里兵科給事中徐觀瀾報四路喪敗命再敗勘斬馬呈文郝

三聘以狗責一元等自劾始丁應泰疏入 上直之書名御
屏沈一貫懼賄玉熙內官知文溪演東征傳奇熒聽 上怒
乃解

設遷曰東師再駕蓋懲癸巳之轍也捫馬舉兵楊鎬逃于
前四路劔于後最尔狡夷何諸將畏之如虎耶劉綖非汝
汝錄者其購行長入營不啻杞上肉而顧佚之其疏已
甚宜來巾幗之遺也癸巳主款失之觀望戍戍不戰不款
又兩失之以視隋唐間立功海外懸矣兵無常勝地有常
險于扼要待敵亦未值其會耶



丙辰諭天下停刑責刑部以擅釋曹學程奪堂官俸二月司
官降罰有差

庶吉士郭淙為簡討

庚申刑部尚書張國彥卒直隸邯鄲人嘉靖壬戌進士知唐
山縣擢兵科給事中歷右副都御史撫治鄖陽以軍功進戶
部侍郎長兵部協理京營改刑部尚書年十一予祭葬贈
太子太保

癸亥立故兵部右侍郎曾銑祠
喜峰路忽大風壞樓臺有火光

部科議應謚名臣

甲子給老樞軍民宣慰司印


丙寅倭將清正從朝鮮遁

御史秦懋義請酌開採之額不報

薊州副總兵李如樟以原官為右軍右都督府僉書

已巳旌上洛王勤諷及長子朝暹鄆城王府宗寅正植等各
孝行

官軍復松山松山界甘肅寧夏間自流虜賓鬼據之三十餘
年鎮番中衛中斷因窺我兩河督撫李汶田樂搜逐虜徙虜



帳而北拓地五百里議築垣堡移兵將焉

辛未 孝安穆皇太后主祔昭陵及奉先殿

于慎行曰自漢以來皇后未正中宮者皆不祔而不以元配為尊如唐明肅劉皇后昭成竇皇后皆睿宗妃也不祔明肅而祔昭成猶曰母以子貴也至宋太祖而不祔孝惠賀皇后而祔孝明王皇后宋真宗廟不祔章懷潘皇后而祔章穆郭皇后議者以孝惠章懷生無母儀之尊膺沒配食之典人情不安典藉無據故舍之耳至如宋太宗元配淑德尹皇后未有封號繼配懿德符皇后封越國夫人其

後亦不祔尹后而祔符后盖古典如此我朝 穆皇帝廟

祔 孝懿李皇后而舍 仁聖陳太后非古也前代大禮

必下禮官與太常博士雜議今以宰臣及一二禮臣定之

安能無錯


徙江南碭山縣城于秦家塘

戊寅楊芳為右副都御史巡撫廣西

故欽天監五官監候楊源贈五官靈臺郎

辛巳前後軍都督府署僉事尹鳳卒字德祥鳳陽人世南府

軍後衛指揮同知武舉鄉會皆第一留守中都進提督備倭



福建屢破海盜許朝歷後府都督僉事提督京城巡捕年七十六予祭葬

庚辰廣西潯州五山守備陞任湖廣行都司僉書晉江林武直征猺戢叛卒于軍五山夷民咸泣下為立祠搃督戴燿上其功贈驃騎將軍都指揮使武直萬歷壬辰武進士

十一月壬午朔初倭分據三路聯絡固守我兵水陸分進圍西賊破東賊而中路之晉山永春昆陽三四城俱拔焚泗川東陽倉獨臨海新寨未下
丙戌御史許聞造請停採礦不報


丁亥初閣負闕廷推五閱月而不下至是沈一貫以請
十辛卯特降九江府經歷樊圃雜秩以湖口稅監李道劾其阻撓也

壬辰巡撫福建金學曾報日本平秀吉死得船商云內難時作其素與小西飛行長不睦必自相圖乞勅督臣相機進剿毋為清正狡謀所惑時議撤東師戶科給事中郝敬言其不可下廷議

癸巳免江南蕭縣等田租

戊戌鄭惟孝嗣武安侯 惟忠弟

國權 萬歷二十六年



甲辰張惟賢嗣成國公

丙午謚淮府南康王厚熜安懿

戊申諭選 皇長子婚


庚戌廣東南海錦山倭戰敗復各逃匿山谷間辛亥夜搃兵
陳璘提兵深入岩洞偃旗息鼓天漸旦舉礮倭衆駭走共追
斬千一百餘級

彰德隕霜不殺草榆槐再花李冬實

十二月癸丑西路搃兵劉綎以戰車燔倭寨六十四間明日水
陸夾攻陸兵殺傷相當水兵失利東路搃兵赫貴斬虜有功

詔責播州楊應龍擒首禍自脫應龍妾田雌鳳淫妬誣妻張
氏死之并屠張氏外家恣殺無忌所屬五司七姓之民訴撫
按再逮不至

甲寅南通政使楊時喬上言先進者後學傳習之師世教者
使民興行之机今原任雲南叅政羅汝芳為臣鄉先進聰明
才辨性度溫和學師顏鈞志行相似又養生師方方胡士清
虛設燒煉採取飛昇又僧圓覺設因果福益尤精于單提直
指人心見性成佛其守寧國集諸生會文講學令訟者趺跏
公庭閉目觀心令里甲供餽游僧庫金侵闕推官李惟戰徵



里甲代贖又受南陵縣丞戴珍金帶篋銀撫按叅論後守東
昌及叅雲南印公堂任胥吏共用牌票混發賈捧入都科
道交劾請田好請托上官游南都游揚州其徒稱聖之和二
子從丹師斃于廣自云日本在左右欲見即出稱呂純陽自
終南山書至今有刊理學臣錄者收之以禪學在孔子上達
道干譽孔孟之所深闢者也

設遷曰盱江之學本餘姚而出之尤詭尤誕所師事顏山
農彼盜賊之智也而儒其言卒不良死盱江不之悔予嘗
過寧國為立祠宣其遺士悅之與江陵最惡講學與盱江
以攻知其言尤信


丁卯巡按貴州御史應朝卿奏楊應龍慘虐

庚午宣甘肅之捷前剿青把都火落赤等巢斬百六十級

提督操江右僉都御史陳薦為左僉都御史

壬申錄甘肅功進李汶少保兼太子太保田樂太子太保各
加世廕一級

己卯以虜衆西歸復蕭大亨太子太保進王世揚右都御史



並視事餘陞賞有差
太監楊敬採礦雲南

國權

萬歷二十七年己亥

正月壬子朔上不朝

丙戌命部院京察毋徇舊


戊子兩淮鹽稅御馬監太監魯保乞當設外行存積鹽引歲
進十二萬金從之保又論兩淮鹽運司副使丁偕抗違削籍
庚寅戶科都給事中包見捷等劾稅監馬堂劉忠魯保不報
浙江金華衢台寧波紹興去年災撫按請減折南京倉糧南

國權

萬歷二十七年

一

國家圖書館, NATIONAL CENTRAL LIBRARY, TAIWAN, R.O.C.



戶部執爭不許

應天句容等十五縣災改折

松山善後事宜設扒沙管蘆塘川叅將二阿堪嶺紅水河守

備二裴家營土門蘆塘湖防守三

辛卯遼東三萬遼海鉄嶺等衛地震

甲午吏部乞錄謫臣不報

丁酉御馬監左監丞高案權京口供用庫官暨祿權儀真時

錦衣衛正千戶鄭一麒進橫嶺礦十六金言稅溢羽林左衛

中所百戶馬承恩言亦之已得命閣臣揭沮遂罷京口而儀

真如故

陳增誣吳宗堯贓私詞連青州府各官及商民各追籍其家
得旨給事中郝敬極言陳增鍛鍊不報

庚子吏部主事魏可簡縱下降一級調用


辛丑免山西夏縣等秋糧

癸卯巡按甘肅御史許聞造謫奇嵐州判官聞造奏政本潛
移如戶部侍郎張養蒙圖竊政權兵部侍郎李楨背公植黨
吏部侍郎洪其道辨枉枝蔓緣魏允貞呂坤諸臣為後地皆
政柄潛移之漸也更科左給事中程紹紆其避考察媚政府

國權

萬曆二十七年

二



故謫

丙午兵部贊畫主事丁應泰論總督邢价等賂倭賣國尚書
蕭大亨與科道張輔之姚文蔚等朋謀欺罔不報

禮科左給事中羅棟言 皇上近示閣臣簡閱佛道二藏因
陳開採之言報聞

丁未奪甘肅總兵官達雲俸四月時海虜犯西寧叅將趙希
顏敗沒西寧兵備副使劉敏寬鑄一級

沈一貫言東倭發難七年已蕩平此十萬吏卒執銳被堅
今
萬里遠征勞不可泯而丁應泰云賂倭賣國則吏卒皆當罪


不得言功恐人心忿怨萬一不測損國威重亦未可知賂倭
之情豈敢空斷古稱功宜從重罪疑從輕今日之事宜溥加
恩澤若曰小事致掩功賞不惟有事難以用人即今日十萬
衆未易收拾臣之憂也時應泰疏且下得揭而止

庚戌御史牛應元請慎會推不報
遼東三萬遼海等衛及中固城地震

二月壬子百戶張宗仁請復浙江市舶

命太監劉成權稅浙江

丁丑沈一貫言變法征利略曰中使衙門皆創設並無舊緒



可因夫使中使一員其僱從可百人分遣官不下十人此人各領百人則千人矣此千人每家十口為率則萬人矣萬人日給千金歲須四十餘萬及得才數萬徒歛怨耳今分遣二十處歲糜八百萬聖恩偶未之及也乞盡撤之不報尋河南山東蘇松常鎮皆併稅于礦使

南科道拾遺應天府尹孫純前兵部侍郎李楨勒致仕前四川巡撫王繼光開閑住
安南都統使黎維潭以新印如銅色求頒真銀印

三月庚辰朔內監王忠徵稅密雲張燁徵稅蘆溝橋以百戶柳

滕秋劉思忠之言

太監陳增馬堂爭稅命堂稅臨清增稅東昌

義勇右衛百戶王官訾沈一貫于端門外先是王官同把總徐希昌貢士林章等進萬二千金求淮南買鹽南京黃天蕩天寧洲各立營防盜不許故官披猖一貫奏上其事命逮官等訊之


壬午巡撫鳳陽李誌罷鄭繼之為南大理卿

山東兗州地震

癸未兵部左侍郎余立自陳罷

國權

萬歷二十七年



改孤山叅將為協守副總兵王威節制神木高家二堡

甲申歙縣吳養晦投稅監魯保言大父守禮逋益課二十五萬乞追入給占產從之

乙酉故遼東叅將王維楨贈都督同知故都指揮全尚禮贈都督僉事各予祭立祠世秩

設碁江合江游擊二以備楊應龍也

丙戌 監丞高淮徵稅遼東開礦科都給事中包見捷及及遼東撫按山海關主事吳鍾英先後爭之不報

丁亥郭子章為右副都御史巡撫貴州兼督理湖北

壬辰戶科都給事中包見捷等極言礦稅之害乞即撤中官上怒謫貴州布政司都事餘罰俸

癸巳直隸遵化天鼓鳴西北有大星如月流散東北

乙酉雲南土目沙儂等作亂兵備副使劉廷蕙平之

貴州平坝衛地震大雨雹


命征倭總兵麻貴陳璘董一元俱班師李承勳以原官提督水陸官充防海禦倭總兵官往朝鮮周于德移鎮山東備倭總兵官

丙申巡撫遼東李植乞乘東師之捷合本鎮兵毆虜復舊遼

國權

萬歷二十七年

五



陽兵部覆上下鎮再議

丁酉纂脩玉牒

左春坊左庶子葉向高請罷礦使不報

戊戌發太僕寺金二萬賞延綏寧夏吏卒先是延綏報斬虜

千七百三十三級寧夏報斬虜九百二十六級

己亥李化龍起兵部右侍郎總督川湖貴州軍務兼巡撫四

川兵部右侍郎王世揚為右都御史協理京營甘士价為右

僉都御史巡揚鳳陽

庚子遼東蓋州衛天鼓鳴夜連隕大星三

辛丑臨洮總兵官孫仁注銜左軍都督府

起前南兵部尚書周世選疾辭

壬寅播州楊應龍反寇平越飛煉堡殺都指揮楊國柱指揮

李廷棟

癸卯兵科給事中徐觀瀾與總督邢玠互訐請改勘臣

丙午嚴江南常府州烏溪定化蘭後三港決防之禁以通太

湖藪盜也


四月辛亥刑科左給事中楊應文代徐觀瀾行勘

丁卯河南礦盜魯坤言礦砂盈縮不一成均派官民或包課

國權

萬曆二十七年

六



上命官民派之

戊辰夜月犯南斗魁第三星

己巳密雲稅監王忠與張煇爭稅命定界勒限

庚午兵部覈貴州失事之故先是貴州巡撫江東之欲復五

司遣都指揮楊國棟等攻楊應龍見襲殲焉

辛未趙志臯沈一貫揭救吳寶秀云新任十六日被逮婦

氏出簪珥才四金佐費因自經母年老七十八幼子女三人

無他兄弟殊可念也 上心動下法司即擬報

壬申禮部上獻俘儀注

甲戌上御午門倭俘六十一人俱棄市受賀

丙子召禮部右侍郎馮琦右春坊右諭德兼侍講唐文獻同

脩玉牒

祭故巡撫寧夏張九一


先是戶部開事例九察處論罷府運佐州縣官許復級進階
及軍民人等札給品官戶科給事中李應策言國家警惕官

邪者惟此黜陟舉劾彼一貪吏豈百餘金使之既破復完如
知縣復後又進知州運判復後又進運同固儼然金紫之榮
也百金外遞加五十金即得腰金名器不應濫至此命下部

國權

萬曆二十七年

七



議戶部覆各官繫致任非察處者方進階軍民人等無過准
納給文武誥身從之

戊寅南太廟槐樹火

閏四月己卯朔勞東師十四萬金

錄甘鎮功進李汶田樂兼太子太傅錦衣衛正千戶賜金^世

三鑑緋蟒衣一襲達雲右都督廕本衛指揮僉事金五十幣
二餘各有差

逮臨清守備王灼時稅監馬堂苛變市人藝其署殺倭從三
十四人灼免堂以免堂疑其陰倡而陽救也遂奏灼罪

陳啟嗣嗣平江伯

盜發西山宮女塚

壬午山東左布政使劉易從為右副都御史巡撫山東

癸未貴州總兵官沈尚文除名

江西饒州通判吳瑞澄上纂續大學衍義

丙戌詔曰朕續承鴻緒統理兆人海濱山陬皆吾赤子苟非

元惡普欲包荒屬者東夷小醜平秀吉猥以下隸致發難端


竊據裔封殺屬諸島遂與薦食之志窺我內附之邦伊岐對

馬之間鯨鯢四起樂浪玄菟之境群謫交加君臣逋亡人民

國權


萬曆二十七年

八



流散馳章告急請兵往援朕念朝鮮世稱恭順適遭困厄豈
宜坐觀若使弱者不扶誰其懷德強者逃罰誰其畏威况東
方在肩背之藩則此賊亦門庭之寇過祖定亂在予一人于
是少命偏師弟加薄伐平壤一戰已褫驕魂而賊負固多端
陽順陰逆本求伺影故作乞憐冊使未還克威復煽朕洞知
狡狀獨斷于心乃發群國羽林之材無吝金錢勇爵之賞必
盡卉服用澄海波仰賴天地洪休宗社陰陽神降之罰賊隕
其魁而王師水陸並驅正奇互用爰分四路并協一心焚其
芻糧薄其巢穴外援悉斷內計無之于是司惡就籤群酋宵

遁軸轡付于烈火海水沸騰戈甲積如高山氛祲淨掃雖百
年窮居之寇舉一旦蕩滌無遺鴻鴈來歸箕子之提封如故
熊羆振旅漢家之威德播聞除所獲首功封為京觀乃檻致
平秀政等六十一人棄屍藁街傳首天下永垂凶逆之鑒戒
大泄神人之怒心嗚呼我國家仁恩浩蕩恭順者無困不援
義武奮揚跳梁者雖強必戮茲用布告天下昭示四夷明余
非得已之心識余不敢赦之意毋越厥志而干顯罰各守分
義以享太平凡我文武大小臣工尚宜潔已愛民奉公體國
以銷萌衅以導禎祥更念彫斲射財為日已久加與休息




正惟此時諸因東征加派錢糧一切盡令所司除豁務為存
恤勿事繁苛咨爾多方宜悉朕意

茅瑞徵曰我與倭相持釜山前後用兵大類持重我以樓
舡橫海之師四將軍二十六偏裨費金錢數百萬竟收功
一死閔白天方贊我倭小醜何能焉一時文武大吏凡貪
天功矣差強人意惟平壤一捷而卒以封貢敗豈所謂進
銳退速者耶

勅朝鮮國王李昞曰比者捷書來聞憂勞始釋念王雖遠舊
物寔同新造振彫起敝為力倍艱倭雖遁歸族類尚在生心
再逞亦未可知茲命經略尚書邢玠振旅旋歸量宿經理都
御史萬世德等分布偏師為王戍守王可咨求軍略共商善
後卧薪嘗膽毋忘前耻華路藍縷大作永圖務財訓農厚樹
根本弔死問孤以振士卒尚文雖美事而專務儒緩亦非救
亂之資忘戰必危古之深戒吾將士雖歸輓輸非便行當盡
撤爾可亟圖

禮部右侍郎余繼登言脩省之寔曰親郊廟曰皇長子婚曰
停礦稅報聞

靈璧侯湯之誥領南京前軍都督府武安侯鄭惟學孝領府



軍前衛

逮儀真守禦楊應龍以稅監暨祿委官激變歸其罪也

戊子時礮使四出人情洶中外諫沮不能得進士謝廷讚
奏釀亂激變語甚切司禮太監田義亦言之並不報

已丑諭旱災脩省

童元鎮為提兵官鎮守貴州

庚寅夜金星犯水星順行在井度

壬辰巡撫陝西賈待問兼兵部侍郎

甲午遣官告旱于郊社

署都督僉事李文達為提兵官鎮守福建

乙未前太子少保左都御史李世達卒字子成安徽涇陽人

嘉靖丙辰進士授戶部主事歷郎中憂去起陞右通政南太

僕卿萬歷初進右僉都御史巡撫山東尋提督漕運兼撫鳳

陽進南兵部右侍郎擢南吏部尚書改兵部刑部改左都御

史予告年六十七予祭墓贈太子少保謚肅敏

焦竑曰孔孟論學莫亟于知人蘇子瞻乃謂蕭何知韓信

非有術而可學何其謬也李公胸懷洞達無所不茹納即

窮鄉下吏片長寸善或舉以告公無不知者此豈得之性

